

Комсомолонь Вайгяль

Сембе масторонь пролетариятне, пуromoда м арс

ЛИСЕНДИ VI-це КИЗОСЬ

ВЛКСМ-нь Мордовский
обкомть и Саранскяень
горкомть газетасна

Адрессь: г. Саранск, ул. Советская,
Дом печати

МАЙТЬ
10-це ШИСТОЗНА
1938 КИЗОНЯ
52 (568)

Лисенди ковти 12-ксть.

Избирательнай кампаниясь велеса и комсомолть задачанза

Мордовский республикань народсь кода и Советский Союзть многомиллионнай сембе народон революционной пяк оцю воодушевлениясь и энтузиазмаса аноклайхть Союзнай и Автономнай республикатнень подлиннай социалистический парламентсонды выборхненди.

Мордовиянь предприятиянь, колхознень, совхознень и учреждениянь эзга многолюднай митинкне и собраниятне няфтезь, што Мордовский республикань народсь Советский Союзса сембе братский республикатнень народсон мархта марса нинге весть няфтезе партияти и правительствати эсь преданностьсон. Нят митинкне и собраниятне, конат ульсь посвященнайхть РСФСР-нь и МАССР-нь Верховнай Советтненди выборхненди няфтезь партийнай и аф партийнай несокрушимай Сталинский блокть сяда товолдонь кемокстамань. Рабочайхнен и колхозникхнен, служащайхнен и учащайхнен митинксо кайгсть валхне, конат няфтезь, што мордовский народсь Советский Союзса братский сембе республикатнень народсон мархта анок любой минутаста грудью арамс социалистический родинать ареляма и кда эряви, анок максомс эсь эряфонц родинанц инкса. Митинкне и собраниятне няфтезь, Мордовиянь народть беспредельнай любфонц великай большевистский партияти, коналifteзе сяда инголень отсталай, нищай и убогай Мордовиять цветущай эряфти.

Кодам ульсь Мордовиясь царский Россиять пингста?

Сон ульсь нищай и бескультурнай, убогай и безграмотнай. Беднейшай крестьянствась и синь идьсна ульсь вачашиот и кулацкий кабалать ала. Беднай одломаттненди ашесть макссе кодамовок возможность тонафнемс, теест ашель кодамовок доверия, штоба улемс руководящай постса и управлять государственнай аппаратть мархта. Синь ульсь лишенайхть государственнай аппарату выборхнен эзда. Советский властсь прокс машфтозе велеса вачашиот и бескультурять, варварствать и убожествать. Социалистический стройсь обеспечил крестьянствать культурнай и жилищочнай эряфса. Мордовиясь арась неузнаваемайкс.

Всемирна-исторический победатнень колхознай крестьянствась сатозень большевистский партиять и сонь Сталинский Центральнай Комитетонц руководстванц ала. Вов мес крестьянствась рабочей классь и советский интеллигенциять мархта марса СССР-нь Верховнай Совету выборхнен пингста няфтезь Ленинонь—Сталинонь

знамяти верностенц, нерушимай эсь волянц сянди, што Мордовиясь крестьянствась Советский Союзонь сембе народть мархта голосовандась коммунистонь и беспартийнаень Сталинский блокть инкса.

РСФСР-нь и МАССР-нь Верховнай Советтненди выборхненди анокламань работась ушедсь как рас тундань видемань кампаниять мархта. Лучшай стахановецне-комсомолецне, конат выделеннайхть агитаторкс и пропагандистокс, няфнихть эсь работасот замечательнай показателхть. Атюрьевань районца, Шалым велеса пропагандистне—комсомолецне Синяев и Яшин ялгатне паксяс колхозникнень йоткса вятихть инь оцю работа РСФСР-нь и МАССР-нь Верховнай Советонь выборхненди анокламат. Синь простой, большевистский кяльса азонкшнесазь РСФСР-нь и МАССР-нь Верховнай Советтненди выборхнен колга Положениятнень, няфнихть лама примерхт сядингольдень Мордовиять эряфонц эзда. Аф калдывста работай Атюрьева велеса пропагандистсь — комсомолецсь Палькин ялгас.

Сельский райкомтне и колхознай комсомольский организациятне должетт оперативна лездомс агитаторхненди и пропагандисттненди. Синь должетт лувомс колхозса пропагандисттнень и агитаторхнен лучшай опытсон. Полевой статтнень и тракторнай отрядтнень комсомолецне должетт шарфтомс большевистский агитациянь очагокс. Сельский райкомтне должетт организовандамс полевой статтненди агитмашинаг, кучсемс райактивть эзда лучшай комсомолецт колхознай комсомольский организациятненди практический лезксонь максомс. Организовандамс полевой станца работать станя, штоба фатямс большевистский агитациять мархта интересующай сембе кизефкснень. Нолнемс регулярнайста агитационнай листовкат и ня листовкатнень вельде няфтемс лучшай пропагандисттнень работасон.

Тяконь шоворхт аф эряви юкснемс, што колхозса лама аф трудоспособнай колхозникт и колхозницат, конат аф работайхть колхозса. Эряви синь йотксост станя жа организовандамс агитационнай работась.

Большевистский агитациясь организовандамс массать йоткса. Велеса комсомолецне должетт мяляфтомс, што партиясь доверяет теест вятемс боевой большевистский работа массать йоткса и массать пользас. Сяс эрь комсомолецсь обязан оправдать партиять требованиянзон.

Сяда вярй большевистский агитациять и пропагандать колхозникнень йоткса!

Аноклайхть выборхненди

Саранск ошень 22-це № избирательнай участкась, конал ащи пединститутть помещенияса, вишкста аноклай РСФСР-нь и МАССР-нь Верховнай Советтненди кочкамат.

Тя участкаса агитаторхне действительна няфнесазь эсь преданностьсон минь кельгома счастливай родинаньконди. Сембоц тя участкаса 79 агитатор, конат вятихть эрь шинь работа участка, тиендихть беседат, конатнень оцю вниманьяса кулхонтокшнесазь избирательхне и цебярьста тонаткшнесазь материалть.

Агитаторхнен эзда сембеда лац работайхть комсомолецне. Лучшай агитаторкс лувондови Гордеева комсомолкась, конал тонафни 20 избирательхть. А станяжа участкава работайхть цебярьста Сергеевась, Бердышевсь, Тутукинсь, Додоновсь и Волковсь. Синь эсь занятиясот тиендихть пяк цебярь беседат, конатнень вельде синь

сатсь цебярь посещаемость и успеваемость.

Синь аф кунара аделазь РСФСР-нь и МАССР-нь Конституциятнень тонафнемасон. Тяни тонафнесазь РСФСР-нь и МАССР-нь Верховнай Совету кочкамань Положениятнень.

Тяда башка организовандаф агитпункт, коса руководителькс работай Кусайкинсь. Агитпунктсь лац дикарированной портретса, выборнай плакатаса и ст. тов. Тяда башка ули выборнай литература, шахмат, шашкат, доминот и струнной инструмент. Избирательхне йотафнесазь тонафнемасон весяласта и радостнайста.

22-ца № избирательнай участкаса избирательхне учихть выборонь шить, мзярда синь Верховнай властти кочкасазь минь кельгома странаньконь вернай и преданнай цюранзон и стирензон.

А. С. Кудашкин.

Саранск ош.

МОНЬ РАБОТАЗЕ

СССР-нь Верховнай Совету выборхнен пингста мон улень агитаторкс, коса мон апак лотксек вятень агитационнай работа избирательхнен йоткса. Работань цебярьста. Участкаса, коса работань агитаторкс избирательхне занятиясь какь аккуратнайста, посещаемость ульсь 100 процентнай.

Аделамок СССР-нь Верховнай Совету выборхнен, мон вишкста ушедонь участкаса избирательхнен аноклама РСФСР-нь и МАССР-нь Верховнай Советтненди выборхненди. Эрь шиня йотафнень избирательхнен йоткса планц и конспектс коря занятияг, беседат и стак тов. Синь мархтост тонафнине РСФСР-нь и МАССР-нь Верховнай Советтненди кочкаматнень колга Положениятнень.

Цебярь работазень инкса партийнай организациясь Майть 1-це шидонза меле кемокстамань 14-це №

избирательнай участк агитпункту руководителкс. Агитпунктса мон васендакигя кярмодень агитаторхнен и пропагандисттнень йоткса работати. Мон теест макссян толковой инструктаж, проверякшнесайне синь работасон, няфнесайне афсатыкссон. Тяда башка агитпункть мон оформил художественна. Агитпункту установил дежурнайхть, конатне посетительхненди максихть ответт кизефксон каршес.

Сянь инкса, штоба ладямс избирательнай участкаса цебярьста работать, мон тернеса соцсоревнованияс 25-це № избирательнай участкть.

На диян, што РСФСР-нь и МАССР-нь Верховнай Советтненди выборхненди эсь участкасон избирательхнен анокласайне цебярьста.

П. Ионов.

Саранск ош.

Мордовский рабфакса

Саранск ошень рабфакса активнайста работайхть комсомолецне-агитаторхне РСФСР-нь и МАССР-нь Верховнай Совету кочкаматненди аноклама тевса.

Агитаторкс выделеннайхть политически подготовленной инь цебярь комсомолецне: Чекашкинсь, Бибишкинсь, Баломошновсь, Кузьминась и лиятне.

Синь эсь кружоксост тонафнесазь Сталин ялгать докладонц

Чрезвычайнай Советонь VIII-це С'ездса, Молотов и Жданов ялгатнень речсон, РСФСР-нь и МАССР-нь Конституциятнень и выборхнен колга Положениятнень.

Нят пропагандистне эсь занятиясон эса используют нагляднай пособияг: снимкат, диаграммат и стак тов.

Дунаев.

Саранск ош.

КОМСОМОЛЬСКИЙ ЭРЯФСЬ

Курокня касфтомс комсомолонь ряттнень

ВЛКСМ-нь ЦК-ть пленумон вешсь комсомольский руководителхнень ширде, штоба машфтомс преградатнень, конатнень путнезь досужай ломаттне, одломаттнень каршес комсомолу сувамста.

Эрь активистсь обязан шарьхкодемс, што минь не можем и не должны капировандамс ня требованиятнень, конатнень пред'являет партиясь партияв сувамста. Эряви яснайста и отчетливайста шарьхкодемс комсомолть существенной отличиянц, конац ащи кели аф партийнай одломанень организациякс. Комсомолсь примоси эсь рядонзонды нинге аф закаленной, политически не созревшей одломатть. Сон должен политически не созревшей тя одломанень армиять воспитандамс, тонафнемс и организовандамс. Сувамок комсомолу, одломанць аф аделакшнесы политический эсь развитиянц, а аныцек уставакшнесы эсь серьезнай упорной работанц, политически эсь прынц касфтома.

Однако, кой-кона усердной активистне вешихть одс сувай комсомолецнень ширде знания, и партиять историянц колга, и комсомолть историянц колга, и международнай кизефкснень колга и нльня политэкономиянц кизефкснень колга. Кепотьксонди, Ардатовский сельско-хозяйствань механизациянц школаса аф кунардонь комсомольский пуромксса примасть комсомолу студентт. Мзярда ушедсть одс сувай комсомолецнень кизефнема, комсомолецне бурнайста и порядкафтома максессть кизефкст. Эрь комсомолецти, кодама кизефкс мялезонза тушендсь стама и максессь. Синь максессть кизефкст буржуазнай революциять октябрьский революциять эзда различиянц колга, мзяраши мольсь Советонь Чрезвычайнай VIII-це С'ездсь, мезе стамсь Коминтернась, кинь кядьса ащи власть СССР-са, кодапт ульсь выборхне сядынголе и тани, кодама основаса ликвидировали кулакть кода классонь и ст. тов. Тяфтама кизефкст максессть одс сувай сембе комсомолецненьди.

Эряви азомс, што тяфтама политэкзаменсь аф совместимай комсомолть работанц мархта, сон противоречит одломаттнень коммунистический духа воспитаниянонды. Аф стак Ардатовский районца Заикина А., Кадодинский и Ефремов Ф. ялгатне, пелемок подобнай экзаментнень эзда, сявозь меки заявленияснон и анкетаснон. Эряви курокня машфтомс комсомольский организациятнень эзда подобнай политический экзаментнень комсомолу сувамасть пингста и сяда цебарьянста ладямс политико-воспитательнай работать одломаттнень йоткса. Левин.

Комсомолецне тевсом

Сире-Сазанонь вельсоветса Шямонь велеса лац работайхть комсомолецне РСФСР-нь и МАССР-нь Верховнай Советонь выборхненди аноклама тевса.

Участкатнень эса синь тонафнесазь РСФСР-нь и МАССР-нь Верховнай Совету кочкамань Положениятнень.

Пропагандистне и агитаторхне эсь тевсон пашкодкшнесазь честь мархта. Избирательне пара мяльса якайхть синь кулхондомост.

В. Игошев.

Левжа велень комсомольский организациять колга

ВЛКСМ-нь ЦК-ть V-це пленумонц решениянзон аф пашкодкшнесазь

Левжа велень комсомольский организациясь аф оцю—сембоц 10 ломатть, но эряви азомс, што хоть организациясь аф оцю, а задача-сна оцю организациять мархта фкат. ВЛКСМ-нь ЦК-сь комсоргть Комаров ялгать сьорманц каршес ответса сьормады: „Тон сьормады, што организациянть тинь аф оцю—сембоц 17 ломань. Но тя огромнай коллективть—Ленинский комсомолть паяксканц и сонь инголенза ащихть нят жа задачатне, конат ащихть сембе ВЛКСМ-ть инголе“.

Но кда варжакстомс коданя работай Левжа велень комсомольский организациясь, то апак эльбятть

Комсомолецнень дисциплинасна

Май ковть 4-це шистонза Левжань комсомольский организациясь ульсь йотафть пуромкс, коса ульсь путф, кизефкссь дисциплина-нать колга. Васендакига эряви азомс, што комсомолецне паяк пасивнайста вятсазь эсь прыснон комсомольский пуромкснень эса, 9 комсомолецнень эзда собраниясь выступали 2 комсомолецт. Акорхтамс эряволь паяк лама. Комсомолецне апак мобилизовандакт большевистский критикати и самокритикати, конань сюнеда комсомольский организациясь дисциплинась паяк калдыав. Комсомолецне ашезь

можно азомс, што паяк калдыавста.

Январь ковста ВЛКСМ-нь членда ульсь 11, а тани кемонь. Тя пингста комсомольский организациясь примасть комсомолу аныцек фкя афсоюзнай одломань, а велеса лувондови 80-шка одломатть, конат пашкетс желанияда сувамс ВЛКСМ-нь ряттненьди. Но комсомольский организациясь афсоюзнай одломаттнень йоткса работать вятеманц лувондсы аф эрявиксонди. Тяста няеви, што ВЛКСМ-нь первичнай организациясь ашезе ладе эсь работанц ВЛКСМ-нь ЦК-ть V пленумонц решениянзон коряс.

Политзанятия аф йотафневихть

Комсомолть инголе ащи инь важнейшай задача—тонафнемс большевистский партиять блестящай победанзон. Тя веша комсомольский организациятнень ширде упорной работа. Но улихть комсомольский организацият, конат тя важнейшай задачат аф пашкодкшнесазь. Тяфтама организациятненьди относится и Левжань комсомольский организациясь, конац вов ни колма кофт ашезь

йотафта фкявок политзанятия, аф ваномок сян лангс, што пропагандистсь Канаев ялгась ульсь кулхондф ВЛКСМ-нь райкомть бюросонза. Сон эсь работанц колга макссь вал ВЛКСМ-нь райкомти, што сон кармай йотафнема политзанятия. Тяфтама безответственной и халатнай отношениянц инкса Канаев ялгать комсомольский организациясь ашезе тарга комсомольский ответственностьс.

Комсомольский хозяйствась ащи беспорядкаса

Левжа велень комсомольский организациясь комсомольский документтнень оформленияснонды и ванфтомаснонды относится паяк халатнайста, шкафсь, коса „ванфневихть“ комсомольский документтне, калада, цють кирди вас-

тсонза. Сонь эсонза аш замок. Тяка жа комнатаса колхозсь йотафты яровизация. Протоколхне ащихть порядкафтома, чистайста апак сьорматкшнект, комсомолецнень выступлениясна протоколхненди аф сьорматкшневихть.

Партийнай руководствась

Партийнай организациятне эрь шинь эсь работасост няфнихть пример и максихть лезкс комсомольский организациятненьди. Левжань партийнай организациясь и сонь ингольден пингонь парторгоц Киржеевсь комсомольский организациять работанц шири кодамовок мяль ашезь шарфне, ВКП(б)-нь фкявок член ашель весткя комсомольский пуромксса, партийнай организациясь аф содаасыне мзяра комсомолецта организациясь.

Левжань первичнай комсомольский организациясь оборонно-физкультурнай работай юкстазе, тя задачат лувондсы аф эрявиксонди.

Левжань комсомольский организацияти эрявихть лувомс эсь афсатыксонзон и маластонь пингть синь машфтомс стама расчелса, штоба курокня ладямс эсь работанц.

И. Белов.

Ладямс комсомолть лангса партийнай руководствать

Ардатовский районца сембоц комсомолецта лувондови 950 ломатть. Комсомолецнень йоткса ламонц ули оцю мяльсна сувамс ВКП(б)-нь ряттненьди. Но районца первичнай парторганизациятне комсомолть йоткса кодамовок работа аф йотафнихть. Тянь сюнеда партийнай организациятне лучшей комсомолецнень эзда касыхть калдыавста. Аф кунара ВЛКСМ-нь райкомсь макссь 60 комсомолецонди партияв сувамс рекомендацият, но синь эздост примафт аныцек 20 комсомолецт. Ламоц комсомолецнень йоткса аф мушендхть рекомендацият, а ВКП(б)-нь члеттне страховандамок эсь прыснон, „пелихть“ макссемс лучшей комсомолецненьди ВКП(б)-нь ряттненьди сувамс рекомендацият. Леспромхозонь парторганизациясь, парторгсь Борисов ялгась, аердсь комсомолецнень эзда. Ламоц комсомолецне эняльдсть Борисов ялгати, штоба лездомс рекомендациянц кочкамати, но Борисов ялгась комсомолецнень энялькс-снонды кодамовок мяль ашезь шарфне. Аф сяда лац ащи тевсь РО НКВД-нь комсомольский организациясь. Сембоц комсомолецта лувондови 16 ломатть. Синь эздост 1938 кизоня фкявок ашезь сува ВКП(б)-нь ряттненьди. РО НКВД-нь партийнай организациясь комсомолецнень партияв анокламаснон мархта кодамовок работа аф йотафни. Тяфта жа ащи тевсь Ардатовань сельско-хозяйствань механизациянц школань комсомольский организациясь.

Сембе тя оцю афсатыкссь лисенди сяс, што ВКП(б)-нь и ВЛКСМ-нь райкомтне бездушна калдыавста работайхть комсомолецнень йоткса.

Эряви тя бездушной отношениясь машфтомс и лучшей комсомолецнень анокламс ВКП(б)-нь ряттненьди.

Исламкин

Избирательнай комиссиянь член

Саранск ошень 14-це избирательнай участкаса йотафневи оцю работа РСФСР-нь и МАССР-нь Верховнай Советтненьди выборхненди анокламати. Избирательнай участкаса агитаторда лувондови 44 ломатть, конат регулярнайста йотафнихть избирательхнень йоткса занятият. Агитаторхнень йоткса цебарь показательхть эсь работасонза няфни комсомолкась Анушкина ялгась. Сон слушательхненьди РСФСР-нь и МАССР-нь Верховнай Советтненьди выборхнень колга Положениятнень азонкшнесыне простой, шарьхкодеви кяльса. Эсь беседа-сонза няфни лама показательхть царский Россиять пингста эряфть колга.

Цебарь работанц инкса Анушкина ялгать кочказь избирательнай комиссиянь членкс.

А. К.

Литературнай страница

Федор Дурнов

Сиде моронят

Настянь щека прынза-марьянт,
А траванза низелдыхть.
Пильксонза аф канни карьянт.
Од кемонза пиндолдыхть.

* * *
Козяста колхозса эрян,
Пирьфсон кафта траксоне.
Лишнай кшизень государств
Тядде тага максыне.

* * *
Минь ингольник касы тополь,
Касы вярй сериста.
Велэряйхне Карпа попонь
Шанчк прважы велеста.

* * *
Карденяса салаваня
Бачкась нарай гриванзон,
Пионерхне клубу кандыхть
Пьесань налхкомс ризанзон.

* * *
Новлась пятналангса улы,
Ляпе бокоц псити пиль.
Лац работайхнен сон сюды,
Учи менельста прай кшись.

* * *
Топольть пряста чофксонь морось
Зойнязь келес ораткшни,
Кельгомнязе Митянь Федясь
Кайги морот сьорматкшни.

* * *
Комсомолкась мазы Танясь,
Митянь Федясь клубса кштисть.
Синь ударнайста работаць
Славнай ломанькс вели лиссть.

* * *
Келькса, келькса отькорь Таняць,
Келькса Танюць шустрой шинц,
Сяда келькса оцю тевонц,
Тонафнемань виде кинц.

* * *
Жнейкась пацянь мархта алу
Росьненъ фатнезь комафни.
Содафкязе тани ошса
Комбайнерокс тонафни.

* * *
Циннай вайгяль балалайкай,
Морак сиденяста.
Цебяръ эряфс вятмазь
Сталин виденяста

* * *
Партияньконь мельге минь
Кеме стройса молхтыма.
Павазу странасонк
Калацда порхтыма.
1938 к.

АЛЕКСЕЙ БЕЛЯЕВ

КОЛХОЗОНЬ ПАКСЯСА

Шовдава вирнятненъ фталда
Зарясь мазолгофни велеть.
Эх, и парста мази тундась
Сетме кожфса кирдысь менельть.

Пиже путьскат шуфттне нол-
дасть,
Нарнясь пиже лугать лангса.
Паксять келес навоз срафнихть
Стирхне—цьоратне кшницянгса.

Паксять вельксса зойнязь зойняй
Жаваронкань мази морось,
Паксясь ацавсь ни навозса,
Тяни парста шачи серось.

Сьоронь шачемать минь
касфтсаськ
Аф лувомшка лама пудс,
Штоба козя шити лисель,
Эрь трудяй колхозонь кудсь.
1938

Волков

Атять сьормац

Шумбрат, Коля, кельгом цьорай,
Алянъ пара вал кучан.
Азса, эряфсь марса морай...
Эсот эрь шиня учан.

Кулхцонт, цьорай, мезе азан,
Тяни одкстомонь мон прокс,
Нльня шамазевон маземсь.
Кштиан, моран. Тя аф йофкс.

Мес аф морамс, мес аф кштимс ни,
Кда эряфсь тейне мярьги,

Кда радостезе, цьорай,
Кели мяштезон аф тьялги.

Тячи кочкама мон якань,
Нолдань урнати конверт.
Тяфта кяжи вракненъ каршес
Максонь цьорай мон ответ.

Может тонга, Коля, максыть
Флотский вайгяльценъ ся часть.
Может тонга седи вакстонь
Сьорма аляшти кучат.

Волков

Авать мороц

Илякс тани морай авась,
Якстерь марень щека прась,
Што сондеенза максфт прават,
Што сон сире онцта стась.

— Церькавь эземс клубу якан,
Валда йоньца кулхцондан,
Кода монга вайгяль максан,
Кинь совету мон пуган?

Пиленьзе од валхт кули,
Эряфсь рахай, панжи тейнь.
Тяни курок кядьсон ули
Кочкаманди бюллетень.

Радостезе монь пях оцю
Мархтот ровнан тани, брат,
Минь Верховнай властти
славнайхть
Кочкатама депутатт

Волков.

Авась иденцы

Идний, ковнясь вальмать эзга
Кельгозь палси эсот, мятт.
Курок, курок сай минь пялнок
Кремлять эзда депутат.
Тя тонь аляце, иднязе,
Славац шуди шада ведькс.
Конить сельмонятненъ,

лефский,
Удок лацкас, тейть аф пелькс.
Вольнай садса панжезь касат,
Вийце цьорай ули бронь.
Лама, лама цебяръ максат,
Странась шнасы лемценъ тонь.
Темникова, педучилища.

Григорий Ельмеев

Школьниксь—псьмарти

Тяни меки сать,
Кельгом нармонняй,
Равжа толганяй,
Мазы вайгяльняй.

Морайть, морайть тон
Кайги моротненъ,
Касфтыть мяльнясон
Стирхненъ—цьоратненъ.

Морайть рошатненъ
Мазы панчфкасон.
Кожфкясь кандсы тейть
Медень таньфкасон.

Морайть паксятненъ,
Сьора видихненъ,
Ляй трваняса
Пищань пидихненъ.

ГРИГОРИИ ЕЛЬМЕЕВ.

ТУНДАНЬ ШИТНЕ

Тон, тундань шиня,
Псиня, валдоня,
Ловнять солафтыть,
Нардайт нардазне.

Уды ляйнять лангс
Тоса варжакстоть,
Энь седнянзон
Срафтыть калафтыть.

Кальхненъ прянява
Равжа варсихне
Шумнайхть, лиендихть
Пизот тиендихть.

Виресь аф улы,
Таргай сокона.

Сянгаря щамонц
Курок сон шасы.

А сонъ эзганза,
Сетяв варманясь
Нармонь мороняць
Келес каннесы.

Вио шада ведькс,
Увфса дуборфса
Лиссть машинатне
Козе паксят лангс.

Фкя-фкянь йотазне,
Парста соказне,
Видетяма минь
Ару сьороня.
1937 к. Октябрь.

ПРОШКИН.

СИДЕ МОРОНЯТ

Сядынголе паксятненъ
Матыгаса шувондозь.
Оцязоронь властть пингста
Авать саразкс лувондозь.

Баяртъ кядьса эста ульсть
Властьсь и сембе праватне
Тяни алять мархта ряц

Властьса ашихть аватне.

Оцюдонга оцю праздниксь,
Авань масторлангонь шись
Топодсь комось киза, кода
Панжевь аваньконди кись.
Рыбкинань район, Малав веле.
1938 к. Март ков.

Федор Фролов

Тунда садса

Пара, пара тунда садса.
Ванат, лаймонясь нюрый,
Панчфонза сонъ сьока лацот,
Эсот кожфкясь сюдерый.

Ляпе вармась шуфттненъ пряста
Шалхкозт таншти кожфкя кандсь.
Пчкясь афолеть ту тьяста
Урнай—явси сьоксетъ самс.

Мешне зойняйхть тьожань кяльса,
Моразь шобдаватненъ шнайхть.
Тевда синь аф молихть мяльсна,
Меки васу туйхть и сайхть.

Синь шумбракшнихть и
прошандайхть
Панчфненъ мархта тундань
перьф.
Ару медня кочкайхть кандыхть,
Планцон пшккодсаясь мянь
вельф.

Менельть эзга шинясь якай,
Бга саду инжикс сай,
Кода од урвяне рахай,
Шуфттненъ маень шамснон шнай.

Душатне, кода начка понат,
Уихть вяръге канфонь—канф,
Курок шумордасазь конат
Ару ведьснон шуфттненъ лангс.

Атямсь торась, мярьгат бошкат
Шавот седыа увфса арфтсть:
Йондолсь яфчась толонь мошкат:
Пиземсь валондсь садста нарть.

Сембе тишесь, шуфттне
валовсть
Хрусталькс ащи расаса,
Тяни лисихть синь шить алу
Жемчуг мархта касаса.

Федор Фролов.

Панда

Панда, панда, сьовонь панда!
Ашетъ касфне лангозт мяль.
Ламос пара ашетъ канда,
Киндинга ашелеть ужаль.

Крута лоткненъ ваксса ашетъ,
Богатыренъ калма маркс.
Малазт пелезь ломанць шашнесь,
Прясот урокоткшнесь вирьгасть.

Каннеть лангсот кальдяв слават,
Пелькс кулят тонь ширьдет
кандсть,
Сянксонга тонь, сьовонь панда,
Ширем сельмот лангозт ванць.

Корхнестъ: „тоса шайтан пизот“
Мярьгондсть: „дисендихть
тол—мархт“
Тяни састъ счастливый кизот,
Максат соку, таньцти марьхть.

Коста тани малазт саян,
Лангозт вельхтыф панчфу шамсь,
Эсот сюдость, а мон шнайн
Да и ули мезце шнамс.

Марлюкскятне, панда, касыхть,
Топаскаста, арафт стройс.
Маень пиземсь шамснон
штакшни,
Панчфненъ перьфкя мешень
зойф.

Шовдавань зарянать каршес
Эсот морайхть тежянь чофкст.
Максат лама тейнек нарда
Тя аф фантазия, аф йофкс.
Февраль ков 1933 кизоня.

ШКОЛЬНОЙ ЭРЯФСЬ

Цебярняста
анокламс

ИСПЫТАНИЯТНЕНДИ

Школатнень эзга курок ушедыхть проверочнай и выпускной испытаниатне. Испытаниатне няфтьсазъ, кодама знаният тонафнись сывсь, кода работать школаса, педагогке и коданя школась пшкотькшнесыне ся задачатнень, конатнень путозень партиясь, правительствась.

Тяни моли тонафнема кизоть мекольдень четвертец. Тя четверта, тонафнихненди эряви повторить и анокламс сембе материалъ, штоба успешнайста максомс испытаниатнень.

Комсомольский и пионерский организациатненди эряви пяхоня лездомс испытаниатненди анокламань тевса.

Кой-кона районца школьной комсомольский организациатне афсатомшка занимандайхть школаса воспитаниань кизефкснень мархта. Ромодановский районца кафта тонафнихть комсомолецт организавандакшнень различной вечеринкань посещения. Нят вечеринкатне йотнестъ картаса налхкомаса, хулиганстваса, винада симомаса.

Атюрьевский районца Шалинский средний школань завучъ Синяевсь эсь педагогический работасонза тиенди грубость, грубайста относится учительхненди, тонафнихнень обзывает аф цебяръ валса: „Разина“, „Сарас“. Тяфтама поведениясь противоречивдай школаса коммунистический воспитаниати. Тяка жа школаса 1937-38 тонафнема кизоть пингста учительхнень йоткса тиендевьсклока.

Аф кунара Темниковский средний школань учениксъ Идрисовинць эрхтезе пеельса комсомолкатъ Голушевать. Мезень колга корхтай тя фактсь? Тя фактсь корхтай, што тя школаса кальдявста ладяф учебно-воспитательнай работась. Школань комсомольский организациась и сонъ секретарец Серебряков ялгась аф кирди кодамовок соткс комсомолецнень эрфснон и бытснон мархта. Темниковский средний и неполный средний школань лама ученикт сянъ вастс, штоба анокламс испытаниатненди, занимандакшнихть иля тевса, кода гулянкаса, стирнатнень мельге якамаса. Школаса шуроста эрсихть постановкат, лекцият, докладт и ст. тов., а комсомольский организациатне тя работать мархта аф занимандайхть, лувондсазъ аф эрвиксонди. Тяфтама жа положенияс аши Козловский средний школась.

На райоттень ВЛКСМ-нь райкомсна аф сатомшка руководили и ашесть макссе лезкс школьной организациатненди.

Учебнай кизоть мекольдень четвертец веши комсомольский организациатнень ширде напряженной работа сянъ инкса, штоба учебнай кизоть аделамс на „отлично“ и на „хорошо“. Тяни эряви йотафтомс комсомольский пуромкст, пионерский сборхт, коса синь знакоминдамс РСФСР-нь НКП-ть инструкциянц мархта проверочнай испытаниатнень йотафтомаснон колга. Тя пингста школатнень эзга эряви вишкоптемс сяда пяхоня соцсоревнованият. Эръ школати эряви организовандамс ялгань лезкс отстающей тонафнихненди, тиендемс консультацият.

ВЛКСМ-нь Мордовский обкомтъ тонафниень отделъ зав. Асташкин.

Сявонь обязательства

Мон тонафнян М. Мазканя велень НСШ-са.

Тонафнема кизоть ушedomок уставань тонафнема цебяръ и отличнай отметка мархта.

Тяни школань пуромксса сявонь эсь лангзонь обязательства, штоба переводнай испытаниаста сдать сембе предметнень отличнай отметка мархта и максемс лезкс отстающей ученикненди, штоба синге переводнай испытаниаста сдали сембе предметнень цебяръста и отличнайста.

Аф кунара сунань ВЛКСМ-нь ряттненди, коса станя жа карман работама цебяръста, пшкотькшнемком комсомольский поручениятнень.

Семина.

Ельникова район.

ОТЛИЧНИК

Шайговань средний школаса шида шис касы успеваемость. Лама ученикта, конат тонафнихть аныцек отличнайста. Кепотъксонди, Горбунов комсомолецъ тонафни аныцек отличнайста и тяда башка, сон вяти работа отстающей ученикнень мархта. Горбуновсь кода инь активнай комсомолец, комсомольский организациась вяти оцю общественной работа.

Станя жа отличникне Беловсь, Андречновасъ и Девятайкинась, конатне III-це четвертец пингста тонафнестъ аныцек отличнайста, активнайста аноклайхть переводнай испытаниатненди и лездыхть отстающей ученикненди.

П. Ямашкин.
Н. Атеняев.

Шайговань район.

Аш гигиена

Вертелимонь НСШ-са аш гигиена. Школаса киякснень аф шнисазъ. Синь ацафт рдазонь эчке слойса, школаса пуль. Ведсь, конань эзда ученикненди сашендови симондемс аф лакафневи.

Ученикне дирекцияти аф вестъ эняльтькшнестъ, штоба сон школав ладяль гигиена, но аф ваномок тянь лангс, тя безобразнай положенияс школав иляткиши тичимс.

Ученикне учихть лезкс Вертелимонь РОНО-ть ширде.

Ученик.

Вертелимонь р-н.

Аф аноклайхть
переводнай
испытаниат
ненди

Йожка велень НСШ-са тичимс аф аноклайхть переводнай испытаниатненди. Школаса кальдявста ладяф воспитательнай работась. Организовандаф кружокне тичимс аф работайхть. Тя лисенди комсомольский организациат бездействиянц сунедат, сяс мес сон ашезе организованда школаса соцсоревнованият. Станя жа сембе класснень эзга ученикне кальдявста содасазъ рузонь кяльть и литературать. Ученикне аф вестъ эняльтькшнестъ дирекцияти, штоба синь мархтог йотафнелхть рузонь кяльса дополнительнай занятия, но дирекциясь тя эняльдема лангс аф шарфни кодамовок мьяль.

Андрей смелый,

Ковылкинань район.

Аф лездыхть стахановский
движеният вишкоптеманцты

Саранск ошень консервной комбинатонь заводской комитетсь рабочайхненди аф лезды, штоба сяда келиняста вишкоптемс стахановский движеният и социалистический соревнованият. Рабочайхнень йоткса нинге тичимс атак кемокстакт содоговорхт. Комсомолецне и афсоюзнай одломаттне, конат лувондовихть стахановецокс, кемокшнестъ эсь йотковаст содоговорхт, но нят содоговорхнень завкомсь юмафтозень. Консервкомбинатса комсомолецне и афсоюзнай одломаттне эсь работасост тиендихть стахановский оцю нормат, кода сявомс комсомолецт инь лучшей стахановецъ Капылов Ив. Ст., конац эсь работама норманц пшкотькшнесы 250%. Сон работай механический цехса токарькс, кода инь цебяръ стахановец ульсь республикань стахановский совещанияса. Тяфтама Копыловда консервной комбинатса лама, но заводской администрациясь теест аф максси

лезкс синь работаснонды. Стахановецнень мархта тичимс ашесть йотафта фкявок стахановский совещания. Заводской комитетсь даже лац аф содасыне мзяра комбинатса стахановецта.

Кда сявомс комсомольский комитетть работанц, то няеви, што комсомолонь комитетсь работа кодамовок аф вяти кода комсомолецнень, а станя жа афсоюзнай одломаттнень йотковок. Комсомолонь комитетсь юкстазе эсь инголенза путф задачатъ—вишкоптемс и келептемс стахановский движеният и соцсоревнованият одломаттнень йоткса и синь эздост лучшейхнень примамс комсомолонь ряттненди. Комсомолонь комитетсь тичимс ашезь йотафта фкявок пуромкс афсоюзнай одломаттнень мархта. Тянь сунедат фкявок афсоюзнай одломань комсомолонь ряттненди тичимс ашезь сува.

Кудашкин, Вельматов.

Физкультурнай новостть

РСФСР-нь и МАССР-нь Верховнай Советтненди выборхнень ознаменованияснонды Саранск ошень физкультурань и спортонь комитетсь майть 30-це шистонза йотафты физкультурнай парад. МАССР-нь СНК-сь кемокстась 3 премият парадть йотафтоманцты. Васенце премиясь переходящай якстеръ знамя, 1300 цал. ярмакса и грамотат, омбоце премиясь 1000 цалковайхть ярмакса и грамотат, колмоце премиясь 750 цалковайхть ярмакса и грамотат. Физкультурань комитеттне парадти анокламань работати кяръмодсть ни.

Майть 5-це шистонза сявомок 8-це шинцты самс МАССР-нь физ-

культурань и спортонь колга комитетсь йотафтсь футболса налхкомань судьянь семинархт.

* * *

Саранск ошса одс организовандаф спортивной общества „Молния“, обществати кемокстаф освобожденнай инструктор Киселев ялгась.

* * *

Саранск ошень торфтрестонь рабочайхнень и служащайхнень йоткса физкультурань и спортонь работать цебяръафтоманц инкса Всесоюзнай торфтрестъ нолдась республиканский торфтрестти 10800 цалковайхть ярмак.

К. С.

ФУТБОЛ

Май ковть 6-це шистонза, тя кизоть васенцеда ульсь футбольнай встреча Саранск ошень физкультурань обществатнень йоткса. Васенцеда лиссть майкаса, бойрайста и радостнайса Саранск ошень „Динамо“ обществати I-це командац, мельгаст якстеръ майкаса „Спартак“ обществати омбоце команданц футболистонза. Ушедсь налхкомась. Налхкомати анокласть кальдявста. Налхкомань васенце таймсь аделавсь 1:0 динамовецнень пользас. Омбоце

таймсь аделавсь 2:0 „Динамо“ обществати пользас. Тяда мелеровна 4 частста ушедсть налхкома „Спартак“ обществати I-це командац „Динамо“ обществати II-це команданц мархта. Налхкомась аделавсь 4:1 спартаковецнень пользас.

Ровна 8 частста тяка шиня ушедсть налхкома „Военведсь“ и „Пишвиксь“. Налхкомась аделавсь 5:3 военведовецнень пользас.

И. Белов.

Примернай организация

Сире Шайговань средний школаса лац ладяф комсомольский работась. Школань комсомольский организациась лувондови 85 комсомолец. Комсомольский группоркне эрь группаса афсоюзнай одломаттнень йоткса йотафнихть политбеседат, тонафнесазъ ВЛКСМ-нь уставъ и программать. Тонадомок комсомолонь уставъ и программать одломаттне сувайхть комсомолонь ряттненди. Аныцек мекаяльденъ ковть пингста комсомолонь комитетсь примась комсомолу 18 одломань.

Школаса комсомолецнень сембеда ламосна работайхть пропагандистокс и агитаторкс РСФСР-нь и МАССР-нь Конституциятнень и выборхнень колга Положениятнень тонафнема.

Шайговань средний школань комсомольский организациась няфни пример районца сембе комсомольский организациатненди.

Васильев

Ответ. редакторть инкса
Н. АЛЕМАЕВ.